



PARTIDO FUTURO A SECUESTRA ENSEÑANSA

**Gerlien Croes y su politica
 contra maestro**

Fraccion di MEP:

BARCONAN RUSSO COMETIENDO FRAUDE CU BANDERA DI ARUBA

Ta urgi Gobierno AVP-Futuro pa tuma accion



BALUARTE DI LUCHA PA STATUS APARTE; RITO CROES A BAY SOSEGA

Diasabra mainta a drenta e noticia cu Rito Croes a bay sosega. Rito Croes ta un prominente figura cu a lucha hunto cu Betico Croes pa status aparte. Den su rol di dirigi caya y campaña y alaves cuida Betico Croes durante di e mobilisacion. Rito Croes ta homber di mil y un storia. Hasta dilanti huez, Rito tabata confronta e hueznan cu su defensa particular.

Nos ta extende condolencia na su famianan.



CANDELA CERCA DI UN CAS NA PIEDRA PLAT A CRECE BIRA GRANDI Y A BAY PA MENASA UN CAS



Minister Geoffrey Wever

MINISTER DI FINANSA, ASUNTO ECONOMICO Y SECTOR PRIMARIO A CELEBRA 95 AÑA DI KVK

Oranjestad, 12 september 2025 – Diahuebs ultimo, Minister di Finansa, Asunto Economico y Sector Primario, mr. Geoffrey Wever, tabata presente na e celebracion di 95 aña di Camara di Comercio (KvK), compartiendo su aprecio na e organisacion cu a yuda forma panorama economico di Aruba pa mas di nueve decada.


Minister Wever kier enfatisa e importancia di e rol di Camara di Comercio den e economia di Aruba, y pa ta semper un partner reliable pa e Ministerio di Economia. “Prosperidad

di nos isla ta depende riba empresarionan cu ta tuma e riesgo pa pone nos economia funciona. Camara di Comercio ta hunga un rol importante den e motor economico di nos pais,” Minister Wever a bisa.

E evento di aniversario a trece lidernan di organisacionnan, lidernan politico, y empresarionan hunto pa aprecia e trabou grandi cu KvK a logra eherce ya caba pa 95 aña— tur cu un vision comun pa un Aruba sostenibel y prospero.



DAMA TURISTA NO A DUNA PREFERENCIA NA E CRUSADA KONINGSTRAAT WESTSTRAAT Y A CAUSA UN ACCIDENTE



Diasabra atardi a drenta informe di un accidente cu hende herida na e crusada Koningstraat cu Weststraat, mesora a dirigi tanto polis como ambulans na e sitio. Na yegada di e patruya a bin compronde cu un dama turista cu un auto di huur bayendo cu velocidad den Koningstraat y no a para pa duna preferencia na un otro auto bayendo nort den Weststraat y a bay dal esaki “fishtail” pone



bira 180 grado. Debi cu e dama turista a keda sacudi den e auto a kere cu e lo ta herida pero despues di

un rato ela stop y polis a cancela e ambulans. Afortunadamente ningun hende a resulta herida.

Fraccion di MEP:

BARCONAN RUSO COMETIENDO FRAUDE CU BANDERA DI ARUBA

Ta urgi Gobierno AVP-Futuro pa tuma accion

Recientemente un investigacion di Nederlandse Redersvereniging a reporta cu ta existi actualmente 16 tankero ruso cu ta nabegando bou di bandera Arubiano. Ta trata di barconan cu ta uza nos bandera pa evita sancion internacional, y cu ta haci uso di bandera falso y documento fraudulento. E practica aki no ta un cos chikito. Uzo di bandera di Aruba pa barconan di otro pais cu Aruba no tin ningun control riba dje ta causa un daño na nos reputacion. Aruba no tin registro maritimo propio, ni tampoco autoridad pa registra e barconan. Pues ningun barco por uza bandera di Aruba. Sinembargo, tin barco cu ta presenta nan mes na mundo manera “di Aruba”. Esaki no ta solamente un manera di engaña, pero ta pone nos pais mes den centro di tension geopolitico cu Rusia y otro paisnan cu ta busca pa

evita sancion.

Corsou SI ta tuma accion Na Corsou tambe a identifica e problema aki. Autoridad Maritimo di Curacao (MAC) a anuncia cu, den colaboracion estrecho cu Hulanda, nan lo tuma accion inmediato contra abuso di bandera di Corsou. Nan ta tuma responsabilidad y ta comunica cla cu partnernan internacional. Esaki merece respet.

Pero e pregunta ta: unda gobierno di Aruba a keda? Ta varios siman pasa caba fraccion di MEP a manda carta y pidi atencion di Minister di Transporte Wendrick Cicilia riba e problema serio aki. Pero no a bin ningun reaccion di parti di Gobierno. Mas nos keda sin tuma accion, ta mas daño e ta haci nos pais. E riesgo ta cu Aruba lo wordo asocia internacionalmente cu trafico ilegal di petroleo



y cu esnan cu kier evita sancionnan. Esaki no ta yuda Aruba mientras cu nos mes ta busca pa fortalece un imagen confiabel y transparente, particularmente ora cu nos ta busca mas cooperacion internacional y desaroyo economico.

MEP “gobernando desde oposicion” a conseha e minister ki paso e mester tuma

1. Mester fiha un posicion cla y publico: Gobierno di Aruba mester ta hopi cla cu e uso di nos bandera pa e barconan aki ta fraudulento y Aruba no tin ningun responsabilidad

pa esaki.

2. Colaboracion cu Hulanda y Corsou: Solamente si nos ta actua hunto lo nos por logra efecto internacional y fortalece capacidad di control.

3. A l e r t a internacional: Aruba mester pidi autoridadnan di puertonan internacional pa vigila e barconan aki mas di cerca, y actua ora mester.

4. Plan di accion: Tin cu bin cu un maneho cla pa señala y combati abuso di nos bandera den futuro.

Keda sin actua no ta un opcion

“Esaki no ta un situacion cu Aruba por ignora. Como miembro di Parlamento a bolbe pidi splicacion y accion di minister di Transporte. Nos sa cu nan no ta gusta cu nos ta pone presion for di oposicion, pero nos tin responsabilidad pa proteha nomber di Aruba contra uzo fraudulento. Si nos keda sin haci algo, nos lo wordo mira manera complice den wowo di mundo. Ta ora pa Aruba muestra cu nos bandera no ta na benta, no ta pa abuso, y sigur e no ta pa e barconan ruso buscando pa evita sancionnan.

CHAUFFEUR DI ARUBUS A PARA BUS PA UN MUHER DI EDAD CU TABATA BASHA SANGER FOR DI SU NANISHI

Diasabra atardi a drenta informe di cu den un bus tabata tin un dama cu tabata sangrando masha hopi for di su nanishi, mesora a para e bus y busca otro bus pa e pasaheronan y a yama ambulans pa e dama. Na yegada di e otro bus e pasaheronan a cambia di bus y a sigui nan rumbo mientras na yegada di e ambulans nan a atende e dama y a pas’e pa den e ambulans y despues transporte pa hospital.



NA TANKI LEENDERT DILANTI E MISA UN CHAUFFEUR A DAL TRAS DI AUTO Y KITA BAY NA BANDA HERA DAL MURAYA



Diasabra anochi a drenta informe di un accidente cu hende herida dilanti e Misa na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un chauffeur di un Toyota Yaris bayendo pariba no a regula su velocidad ni a mantene distancia a bay dal tras di un Hyundai Tucson djey kita bay den banda hera bay dal riba muraya di un negoshi. Debi na e impacto ambos chauffeur a resulta herida. Un di nan a ser atendi na e sitio mientras e otro a ser hiba hospital.



CANDELA CERCA DI UN CAS NA PIEDRA PLAT A CRECE BIRA GRANDI Y A BAY PA MENASA UN CAS



Diasabra atardi birando anochi a drenta informe di un candela di mondi na Piedra Plat, mesora a dirigi tanto polis como bombero na e sitio.

Na yegada di e patruya a bin wak e candela parti na varios caminda y tabata expandiendo rapidamente y a pidi pa bomberonan yega cu mas urgencia.

Na yegada di e bomberonan a cuminsa cu un combate fuerte duro y directo cual a logra domina esaki mesora.

JACKPOT PROGRESIVO DI EXQUISITE BINGO TA BIRA \$27,939

THE CASINO NA ST.REGIS TA SIGUI TUR DIASABRA Y DIADOMINGO CU \$5000,- NA PREMIO !



Palm Beach, Aruba 12 September 2025
Sigura bo carchi trempañ haci uzo di nos pre-sale cu lo ta tur diabierna y diasabra di
3:00 PM – 8:00 PM. Tene na cuenta cu cuponan ta limita
Nos ta wardabo diasabra y diadomingo na “The Casino at St Regis Aruba”, porta ta habri di
7.30 AM pa asina duna oportunidad pa cumpra carchi di bingo na un balor di \$20,- .
Costo pa un booklet ta \$20. Cumpra 2 carchi y ricibi e di 3 carchi completamente gratis.

JACKPOT PROGRESIVO A BIRA \$27,939
Exquisite Bingo ta ofrece un total di \$5,000 na premio y un Jackpot Progresivo hopi atractivo.

Pa mas informacion, por tuma contacto cu e Casino VIP Desk na +297 281 2374. The Casino at St. Regis Aruba
Play Exquisite

NON-PROFIT LEADERSHIP AND GOVERNANCE CONFERENCE

Heart + Knowledge for Community Work

Keynote Speaker

Mr. Michael D. Layton, Ph.D

Dorothy A. Johnson Center for Philanthropy - USA

Speakers

- **Hellen van der Wal** - Corporate Governance Implementation Team
- **Robbert Kroon** - Galan Group Curaçao
- **Edward Erasmus** - University of Aruba
- **Gyonne Goedhoop** - Kreashon Konstante
- **Jose Sommers** - Foresee Foundation St. Maarten

September 27, 2025

Hyatt Regency Aruba | 8:30 am – 4:30 pm

AWG 50

For two representatives
per registered organization.



Scan to register!



Parlamentario Evelyn Wever-Croes

EVELYN WEVER-CROES TA FELICITA SUE-ANN LEE CU SU NOMBRAMIENTO COMO RECTOR NOBO DI UNIVERSIDAD DI ARUBA

ORANJESTAD, 12 SEPTEMBER 2025 – Cu hopi orguyo, Parlamentario y ex-prome minister Evelyn Wever-Croes ta felicita señora Sue-Ann Lee cu su nombramento como rector nobo di Universidad di Aruba.

“Nos ta sinti nos sumamente honra cu un yui di tera ta tuma e papel importante aki. E hecho tambe cu e ta un hende muher, ta duna nos un motibo mas pa ta orguyoso,” asina Wever-Croes a bisa. “Mi ta desea sra Lee exito y sabiduria den guia di nos universidad

pa un futuro yena di oportunidad y desaroyo pa nos studiantenan y nos pais.”

Cu e nombramento di Sue-Ann Lee, Aruba ta tuma un paso nobo den fortalecimiento di liderazgo local y ta stimula otro role model pa generacionnan cu ta bin.

“Ora hende muhernan ta asumi posicion di liderazgo, nan ta trece balansa, vision y curashi. Esaki ta precisamente e tipo di liderazgo cu ta yuda nos comunidad bai pa dilanti.”



Parlamentario Evelyn Wever-Croes

Evelyn Wever-Croes ta felicita

CAMARA DI COMERCIO DI ARUBA CELEBRANDO SU 95 AÑA DI EXISTENCIA

ORANJESTAD - Durante casi un siglo, Camara di Comercio a bira un pilar importante pa desaroyo di nos economia y pa fortalece e sector empresarial di nos pais.

“Camara di Comercio a contribui grandemente na crecimiento y prosperidad di Aruba.

Na ocasion di e aniversario 95, mi kier expresa mi aprecio y felicitacion na tur e miembronan di pasado y actual, cu a dedica nan esfuerzo pa sigui duna

un rumbo positivo na nos comunidad empresarial.”

Nos ta desea Camara di Comercio hopi exito mas pa futuro, pa continua guia y sostene empresarionan Arubiano cu vision y determinacion.

Tabata un honor pa colega Shailiny Tromp-Lee y ami di por tabata tey na e recepcion pa celebra e 95 aniversario di Camara di Comercio.



PARTIDO FUTURO A SECUESTRA ENSEÑANSA

Gerlien Croes y su politica contra maestro



Enseñansa ta futuro di Aruba. Pero awor, futuro ta wordo secuestra. Loke Gerlien a bin ta hasiendo, ta creando un desgusto den e veld. Maestronan ta desapunta di Gerlien. Un serie di decisionnan a wordo tuma pa corta cabes di maestronan, algo sigur cu ta repudiabel.

Salario di maestro: traicion di promer ora

E promer acto di Gerlien como minister di enseñansa tabata pa stop e proceso di aumento di salario. Enebes cu el’a gara e lucha, el’a prefera di culpa su antecesor. Riba prome dia, dia 28 di maart 2025, el’a corta 10% di presupuesto di enseñansa. Un golpi duro contra esnan cu ta traha mas fuerte pa forma nos futuro. Awor, despues cu pueblo y sindicato a halsa vos, e ta bin cu un promesa pa salario, manera si ta un regalo di su banda. Esey no ta respet, eseyta manipulacion politico.

Chauffeur ta gana mas cu maestro

Nos ta biba un realidad absurdo: un chauffeur di minister ta gana mas cu un maestro cu ta forma generacionnan. Esaki ta muestra cla cual ta su prioridad: privilegio politico riba enseñansa.

Cultura di miedo y dictadura

Profesionalnan na SKOA y DPS ta bisa cla: Gerlien no kier dialogo.

E ta grita maestronan, el’a prohibi nan pa papia, y a impone un cultura di miedo. Enseñansa ta basa riba confiansa y respet, no riba intimidacion y dictadura. Tin un caso cu a pasa na scol di Washington, segun fuentenan, unda hasta el’a mete pa cambia decision di norma di puntonan di scol pa laga un mucha bay over. Gerlien, kico bo por alrespecto?

Partido Futuro: nan so kier dicidi

Fundadornan di Partido Futuro ta hinca den tur departamento, den skolnan y den DPS. Nan so kier dicidi, nan so kier dicta.

Nan no tin oido pa e veld, nan no tin respet enseñansa, y inclusive nan no tin respet pa autonomia di nos pais.

Cartel ta cla: Partido Futuro a secuestra enseñansa y ta secuestra nos futuro.

Nos ta reta Gerlien Croes: Sali y bisa si esaki no ta berdad. El’a corta 10% den begroting di enseñansa, despues bisa cu no tin

placa pa aumento di salario.

Laga Gerlien nenga cu su chauffeur y otro chauffeurnan di minister ta gana mas cu maestro.

Laga Gerlien nenga cu el’a prohibi profesionalnan pa papia.

Laga Gerlien nenga cu el’a pone un stop na aumento di salario pa maestro

Atraco!

Esaki no ta solamente un atraco riba enseñansa. Esaki ta un atraco riba nos pueblo, nos yiu y nos pais. Maestro, no laga bo voz keda silensia. Enseñansa ta ABO, no nan. Sali y subi caya, defende bo causa, defende bo lucha. Bo merece e aumento di salario. Si bo no move, si bo no lucha, si bo para keto, lo bo mes copera pa laga nan malgasta e placa den nombra henter partido futuro como staatssecretaris: Politico Rondel afl 15.000/ Politco Erasmus afl 15.000 / Diplomatico Cultural bibando na Hulanda afl 15.000 /. Chauffeur cu toelage ta casi afl 8000

Den 2025; Gerlien a corta 3 miyon di salario di maestronan for di tur e scolnan aki:

Scolnan i e cantidad di placa (For

di Salario di Docentnan)

1. Anglo School – Afl 100.000
2. Cayenaschool – Afl. 200.000
3. Mon Plaisir College – Afl. 100.000
4. Sint Franciscus College – Afl. 100.000
5. Maria Goretti Afl 100.000
6. Fatima College – Afl. 100.000
7. HeiligHart Afl 100.000
8. Santa Teresita Afl 100.000
9. Mon Plaisire School Afl 100.000
10. Colegio Laura Wernet Afl 100.000
11. Faith Revival Afl. 100.000
12. Duna un Man School – Afl. 500.000
13. La Salle college – Afl. 100.000
14. Maria College – Afl. 200.000
15. Colegio Arubano – Afl. 500.000
16. EPB Afl 500.000 Total Estima di Recorte: Afl. 3.000.000

Clasificados

SOLODIPUEBLO@GMAIL.COM
CEL. 585 9500

PA DI TRES AÑA: “VOICES OF TOURISM” A CONECTA CU HOBENNAN LOCAL



Pa di tres aña consecutivo, Aruba Tourism Authority (A.T.A.) a organisa Voices of Tourism cu a inicia dia 9 di september y a termina dia 11 di september. Tabata tres dia di conferencia cu a consisti di cinco sesion. E conferencia a hiba e number di “It All Starts With You”.

Ta trata aki di un conferencia inspirativo cu a hiba e meta pa cultiva interes, compromiso y pasion cerca studiantenan den e ramo di hospitalidad y otro areanan cu ta e bos di e presente y futuro di nos turismo. A.T.A. kier sigui inverti den profesionalnan turistico y particularmente nos futuro generacionnan.

E conferencia di e dos ultimo edicionnan a enfoca riba studiantenan di E.P.B., E.P.I. y algun estudiante di Universidad di Aruba, pero pa e edicion di e aña aki, Aruba Tourism Authority a opta pa enfoca riba e studiantenan di E.P.B. y E.P.I. pero tambe riba e studiantenan di MAVO cu ainda no a scoge si nan lo continua nan estudio na HAVO of EPI. Un total

di cuater scol a participa den e conferencia. Nan ta Colegio E.P.I., E.P.B. Oranjestad, Filomena College (MAVO) y La Salle College (MAVO). E aña aki tambe tabatin un un sesion special cu mayornan.

Debi na e exito cu e conferencia tabatin aña pasa, a scoge pa invita Trent Shelton un bes mas. E ta un orador internacional inspirativo, cu un bes mas a conecta cu e hobennan durante tres mainta di conferencia. A traves di su propio proposito, Trent a guia e audiencia na con pa yega na nan proposito, nan poder y nan paz interno. Su mision di bida ta pa conecta e hende cu e miho version di nan mes, comunicando directamente di su experiencia propio. Cu su plataforma global, Trent ta conecta cu su audiencia via diferente charla inspirativo, podcast, buki y audiobook, rednan social, cursonan di salud mental y maneho di bo mente pa menciona algun.

Trent Shelton a trece cu ne un hoben pa conecta cu e studiantenan. Ta trata di

e motivational speaker, Marquis Hill, un hoben di 20 aña di edad cu tin un mision pa inspira y motiva mas bida cu e por. Durante e edicion aki Rodrick “Rocco” Franken tambe tabata tin e oportunidad pa conta con el a bira “From Dreamer to Doer”. Rocco ta cantante, un influencer y un brand ambassador pa varios compania grandi na Aruba, Bonaire y Curaçao. El a inicia su carrera musical cu apenas 9 aña di edad y ta celebrando e aña aki su di 30 aña den farandula. Conoci pa su carisma y un actitud semper positivo pa logra den bida. Un persona cu a logra su soño di haci su hobby como cantante bira su trabou di tur dia.

Mester bisa cu den tur e sesion y na e scolnan, e publico presente a participa activamente y ser conmovi pa e contenido, di e guia y inspiracion cu e oradornan a comparti cu nan. Tur presenta a ricibi e mensahe cu tur cos ta cuminsa cu bo mes! Kere den bo soño, tuma accion y sa cu tur oportunidad ta posibel.



AHATA TA REGALA STUDIANTENAN CULINARIO DI EPI NAN HERMENT PROFESIONAL



ORANJESTAD, Aruba
– 12 September 2025: Aruba Hotel & Tourism Association (AHATA) a hasi un regalo na e studiantenan den prome añadie programa culinario nobo Certified Culinarian di EPI HORECA. Nobenta (90) estudiante a ricibi e un set di cuchiu profesional, cada un cu 9 pieza.

Sra. Tisa LaSorte, Presidente y CEO di AHATA, a entrega e hermentnan profesional directamente na e alumnonan den presencia di facultad di EPI HORECA. Sra. LaSorte a enfatisa con e hermentnan ta mas cu e instrumento principal culinario; nan ta representa e prome paso den e futuro carera di e hobennan. Adicionalmente, AHATA a haci entrega di torches pa cushina na nomber di ASD Aruba pa e studiantenan den di tres aña.

Como un organisacion di dunador di trabou, AHATA ta traha activamente pa e sostenibilidad di Aruba su economia y turismo, cu inicitivanan cu ta apoya enseñansa y yuda sera e “gap” entre educacion y nos mercado laboral.

AHATA ta felicita e studiantenan pa tuma e paso importante aki den

nan formacion profesional y ta duna nan un cordial bon bini den e industria culinario y turistico. Cu e regalo di e hermentnan di calidad halto aki, e asociacion ta inverti den nos talentonan local. Nan ta spera tambe di inspira mas hoben pa continua nan carera y ambicion den e mundo di gastronomia cu gran motivacion y dedicacion.

Clasificados

SOLODIPUEBLO@GMAIL.COM
CEL. 585 9500

 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - September 14, 2025		
 Sorteo # 4741 0978 4770 2744  X2  Sorteo # 4741 3601  X2  Sorteo # 2797 7667  Sorteo # 4741 5805 Virgo  Sorteo # 1615 550  X3		
 Sorteo # Joker Letter 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 675.000,-		
 Sorteo # Proximo Jackpot 0 x Jackpot 0 x Match 4 0 x Afl. 8,00 55.000,-		
 Sorteo # Mega Ball 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Proximo Jackpot 250.000,-		
 Afl. 350.000,-		
 Sorteo # 		

ACCIDENTE CU HENDE HERIDA NA E CRUSADA BANDA DI EX-WENG KEE



 Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - September 14, 2025		
 Sorteo # 4742 5407 9653 7595  X2  Sorteo # 4742 6908  X2  Sorteo # 2798 5772  Sorteo # 4742 1574 Capricorn  Sorteo # 1616 276  X3		
 Sorteo # Joker Letter 0 x Jackpot 0 x Match 4+ 0 x Match 4 0 x Afl. 12,00 Proximo Jackpot 725.000,-		
 01-05-06-08-25		
 Sorteo # 6948 Proximo Jackpot 0 x Jackpot 7 x Match 4 125 x Afl. 8,00 58.000,-		
 Sorteo # Mega Ball 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Proximo Jackpot 250.000,-		
 Afl. 350.000,-		
 Sorteo # 		

Diabierna atardi a drenta informe di un accidente cu hende herida na e crusada banda di ex-Weng Kee na Piedra Plat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia unda e dama chauffeur di e Suzuki APV Pass Van a bay subi e crusada y a malcalcula e velocidad y distancia di un Toyota Yaris y esaki a bin dal e Van mande pabao lagando e chauffeur herida. Na yegada di e ambulans nan a atende e dama na e sitio mes.



BOMBERONAN A PARA PA BRINDA ASISTENCIA Y YUDANSA NA HOMBER CU FRECUENTEMENTE TA DAL ABAO BANDA DI WAYACA




Diabierna mainta bomberonan pasando riba e caminda principal



dilanti airport a nota un persona benta abao riba e isleta cu ta dividi e camindanan mesora nan a drenta accion y a brinda aistencia y yudansa na un persona conosi den e bario

di Wayaca cual na varios ocasion ta dal abao y keda abao. Nan a pidi pa polis y un ambulans pa asina bin atende. Na yegada di e ambulans nan a atende y a transporte pa hospital.

CICLISTA LEVEMENTE HERIDA DEN UN ACCIDENTE CU UN PICK-UP NA CUMANA



Diabierna merdia a drenta informe di un accidente cu hende herida na Cumana. Mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente netre

un bicicleta electrico y un pick-up unda e ciclista a resulta levemente herida.

Na yegada di e ambulans nan a atende e ciclista pa e heridanan leve cu ela ricibi.

BRAZIL TAEKWONDO STICHTING A SALI BEST TEAM DEN ULTIMATE TAEKWONDO CUP 2025



Diasabra Taekwondo Brazil a organisa e ultimo campeonato Ultimate

Taekwondo Cup prome cu Best of the Best 2025. Despues di 3 aña Brazil Taekwondo Stichting a logra gana e copa di Best Team. Ultimate Taekwondo Cup tabata un campeonato cu e participantenan a mustra Taekwondo na un otro nivel y a bringa cu hopi tecnica pa nan clasifica pa Best of the Best 2025.

Best of the Best 2025 ta bay conta cu 12 Pais Internacional y a haci cu den tur tres campeonato cu Brazil Taekwondo Stichting a organisa, e atletanan a mustra Taekwondo na un nivel halto. Hopi atleta cu no sa haña e oportunidad pa biaha Internacional pa bringa, lo haña e oportunidad di bringa contra contrincantenan

Internacional aki na Aruba den Best of the Best 2025. Brazil Taekwondo Stichting ta felicita su Team y Coach Master Jourde Klaber pa nan logro di Best Team. Brazil Taekwondo Stichting ta gradici tur miembro di Brazil Taekwondo Stichting pa nan aporte na Ultimate Taekwondo Cup 2025.

Clasificados



SOLODIPUEBLO@GMAIL.COM
CEL. 585 9500



DAMA HAYA BENTA ABAO INCONCIENTE PABAO DI EX-CODEMSA NA CUMANA



Diabierna atardi a drenta informe di cu tin un dama inconciente benta pabao di e ex-edificio di Codemsa, mesora a dirigi tanto polis como ambulans na e sitio.

Na yegada di e patruya y otro hendenan nan a atende pa sa kiko a pas'e. Aparentemente e solo bruha cu alcohol a pone e dama cay abao.

Na yegada di e ambulans nan a atende e dama.

Porfin Comision 11 ta bay ricibi e registro di miembronan di CAPA

Porfin despues di casi un aña y mei di lucha, Comision 11, dialuna 15 september pa 11'or ta bay busca e registro di miembronan di CAPA. Tur nos lucha tabata pa busca claridad ariba con e ladroncia di F 382.000,= a sosode. Prome, Comision 11 a purba via di compromiso cu directiva di CAPA, nos a manda cartanan pa ricibi mas informacion ariba e ladroncia. Como miembro di CAPA, nos a pidi reunion cu directiva di CAPA. Tur reaccionnan di Directiva tabata negativo, hasta directiva a ignora nos peticion pa reunion, ni a contesta nos peticion. Directiva a busca un confrontacion cu Comision 11. Esaki ta e motibo cu comision 11 a dicidi di bay Juez y nos a ricibi rason di Juez pa nos di Comision 11 ricibi e registro di miembronan.

Declaracionnan controversial

Diabierna nos a ricibi un email di sr Duijneveld, den representacion di directiva di CAPA, cu pa dialuna 11'or nos por ricibi e registro di miembronan.

Straño y hopi mahos, sr Duineveld ta bisa cu directiva di CAPA no a bay den apelacion contra e caso cu Comision 11=miembronan di CAPA a gana, despues cu e mes, sr Duijneveld, a manda un carta via courier poco tempo pasa, cu directiva di CAPA ta bay apela e caso. Siman pasa diaranson, e Presidente di CAPA telefonicamente a bisa cu CAPA a apela e caso contra e decision di Juez na favor di Comision 11. Ta comision 11 a muestra directiva di CAPA cu prueba

cu nan NO a apela e caso. Pues directiva di CAPA no sa kico nan Abogado ta haci o no ta haci, directiva di CAPA ta desfuncional y incompetente.

Tambe sr Duijneveld ta bisa cu directiva di CAPA no ta di acuerdo cu e decision di JUEZ. CON?

1. Den e statutan bieuw art 30 y den e statutan nobo cu e directiva aki mes a presenta mas o menos un aña pasa, e ta poni den articulo 34, cu ariba peticion di miembro(nan) despues di pago, ta ricibi e registro. Ta boso mes a trece den articulo 34;
2. Aserca den e ley cu ta regarda e funcionamiento di Cooperativanan na Aruba, AB 1987 nr GT 8, den articulo 11, lid 3, ta redacta mesun reglanan cu tin den statutan di CAPA;
3. Juez a duna un veredicto di acuerdo cu ley y cu statutan di CAPA.

Ainda directiva di CAPA no ta di acuerdo. Wel,wel, e miembronan di directiva di CAPA no mester ta miembro mes di nos cooperativa, CAPA.

Pues cu nan ponencia anti-cooperativismo, mihor nan pidi retiro di CAPA.

Final

Pa tur hende por comprende, e lucha di Comision 11 ta pa trece claridad ariba con e ladroncia di F 382.000,=, cual no ta dosplaca, a sosode durante 9 luna.

Clasificados





SOLODIPUEBLO@GMAIL.COM
CEL.585 9500


SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen




Awe nos ta relata algo mas di nos guapo amigo colega artista multifacetico Waldy Simson, naci na Suriname y a biba traha y crea arte bunita aki na Aruba pa 20 anja. Danki na amigo coleganan den prensa pa e publicacion di e poema cu Lady Ruth a skirbi pa Waldy, un bunita poema na ingles titula "My artist friend Waldy", cu nos por a lesa den Diario e.o. y tambe on line cu Awe Mainta recientemente. Waldy Simson, un bon maestro den wiskunde, rekenen, tekenen y handvaardigheid. Ela duna les na John Wesley College, Maria College, Colegio San Antonio, EPB San Nicolas y tambe na EPB Sta. Cruz. Un bon meneer natural cu curason pa su profesion y pa su arte den tur ramo. Nos ta sigur cu ela toca hopi curason di su alumnonan cu su manera natural di ta, simpel, directo y cu bon atencion pa su alumnonan. Meneer Simson a traha den Enseñanza na Aruba y a sigui inspira den su talentonan di pinta y crea arte den tur ramo cu e tawata domina bon. E tin mas di 40 anja (43) den e mundo artistico y ta hopi varia den su bunita creacionnan unico. Nos



por corda cu Waldy a traha renoba y of a drecha un of mas bentana di glasnan di color di Misa Sta. Anna na Nort. Lady Ruth no tawata conose Waldy ora cu ela cuminsa traha na Aruba, ta despues ela tende lesa y mira obranan traha pa Waldy y a mira tambe e bunita potret saca cu ex-gobernador di Aruba Fredis Refunjol cu un di su bunita obranan. Waldy ta compone cancionnan mas tanto cu e toke spiritual religioso, cu su humilde curason yen di sabidiuria y gradicimento na su Creador di amor pa su bida, su salud, su talentonan. Waldy ta di opinion cu "Bo ta nace un artista" y bo ta sigui desaroya e talentonan artistico cu bo nace cu ne, bo ta expres'e. Waldy ta inspira y pone riba papel bunita poemanan, mayoria di nan cu e toke

spiritual. Su curason ta yen di amor pa su Creador semper y kier a comparti esaki cu tur rond di dje cu hopi alegria. Meneer Simson, alias e artista versatile Waldy a bishita Afrika na 2006 y a entrega un di su bunita obranan artistico, e retrato di papel na e presidente na bida ainda e tempo ey, Nelson Mandela. Ki bunita gesto ! Ki honor ! Ki bendicion ! Nelson Mandela, e South Africa Freedom Fighter a nace dia 18 di juli di anja 1918 y a fayece dia 5 di December di anja 2013. Actualmente Waldy ta trahando full time como artista na su dushi y bunita pais Suriname y a bishita Miami Merca varios biaha como artista. Ela traha un retrato di Martin Luther King e.o. y a traha tambe sculpturanan e.o. esun di un dama yama Michelle. Waldy ta compone of



composita musica ariba su piano orgel y tin bukinan di poema publica e.o. "New fruits of the pen of Simson", y tambe obranan di ceramika, pinturanan riba canvas y mas. Lady Ruth ta felicita Waldy Simson den nomber di tur di Aruba cu a hanja les di dje, tur cu a conos'e y tur cu a yega di admira su obranan artistico. Danki Waldy, danki Meneer Simson, pa a duna y inspira nos tur cu bo profesion y bo bunita arte. Cu bon Dios sigui drama su bendicion ariba bo, bo famia, bo pais y den tur bo trabaonan bo dilanti cu bo lo sigui crea cosnan bunita y alegre curasonnan rond di bo. Ata aki un poema acrostico cortico cu bo nomber :
W aldy Simson, un

cabayero Meneer di scol y Gran Artista
A ruba, bo di dos cas pa 20 anja a sinia hopi for di bo L amannan di bendicion sigui inspira'bo
D una bon Dios danki pa bo super talentonan comparti
Y mas amor, mas inspiracion bo sigui ricibi

S igui sembra paz na unda cu bo bay y bishita
I nos como poeta artistanan di Aruba, abo nos ta admira
M aestro di scol, Artista versatile multifacetico abo ta
S emper dispuesto di crea algo bunita pa edifica
O ra nos pensa y sinti bo amor den cada obra crea
N os curason tambe ta duna danki pa cada alma inspira !

SOPI DI LETRANAN

ARBUSTO
BANCO
CARRETILLA
ESTANQUE
FLORES
FUENTE
INVERNADERO
MANGUERA
PALA
PARTERRE
PLANTAS
SETO
TIJERAS

Z	M	A	N	G	U	E	R	A	M	I	N	W	B
E	T	V	E	U	Q	N	A	T	S	E	Y	O	R
R	E	M	F	U	E	F	B	A	B	A	N	C	O
R	X	X	A	L	A	P	G	O	U	Q	A	D	R
E	O	R	E	D	A	N	R	E	V	N	I	E	N
T	C	A	R	R	E	T	I	L	L	A	O	C	K
R	W	J	X	W	O	S	S	E	R	O	L	F	W
A	K	V	D	S	A	T	A	T	H	W	T	Y	D
P	O	A	D	T	P	F	S	E	R	I	E	B	S
Y	O	T	N	W	U	V	Y	U	J	B	R	K	Z
P	T	A	E	E	Q	W	W	E	B	H	J	R	E
U	L	E	N	S	G	U	R	M	T	R	C	Z	R
P	A	T	Y	K	K	A	G	U	Q	Z	A	I	Z
P	E	X	B	B	S	P	T	R	C	I	G	D	V

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

FORTALEZA PA FAMILIA

Scirbi pa Pastor Marcel Balootje.

LAGA NOS ADOPTA NOS HUBENTUD DEN ORACION

Palabra di Dios ta bisa pa cada mayor cuida nan yuinan, y zorg pa nan tin tur locual nan mester, pero esaki no ta solamente material, pero tambe spiritual.

Un mucha lanta sin conocimiento di e palabra di Dios, ta un gran peligro, pasobra maldad ta birando dia pa dia mas fuerte riba e mundo aki y si e mucha no conoce palabra di Dios, e ta cay den trampa profundo di scuridad.

Pesey Pablo ta bisa den Efesionan 3;14-15: Pa e motibo aki mi ta donla mi rudia, dilanti di e Tata. Di kende henter e famia den cielo y riba tera ta hanja su nomber.

Pa e concede boso, conforme e rikesa den gloria, pa wordo fortaleci cu poder, pa medio di Su Spirito, den e hende interior, pa asina Cristo

por biba den boso curason pa medio di fe, y pa boso teniendo rais bon pega den amor. Por compronde huntu cu tur e santonan, cual ta e hanchura, largura, y altura, y profundidad, pa conoce e amor di Cristo cu ta surpasa, conocimiento, pa boso wordo yena cu tur plenitud di Dios.

Nos mester adopta nos hubentud, den oracion pasobra esey ta prome paso, pa evita cu e odio di mundo lo drenta nan curason, pasobra di berdad e enemigo a bini solamente pa horta, pa mata y pa destrui, y su bista ta riba hubentud.

Hesus mes a bisa laga e muchanan bini serca Mi, pasobra di nan e reino ta.

E conseho aki ta balido pa tur hoben: no laga ningun hende menosprecia

bo hubentud, ma mas bien den palabra, conducta, amor, fe, y pureza, demostra bo mes di ta un ehempel, pa esnan cu ta kere. (1 Timoteo 4:12).

E conducta di e hoben ta demostra ken berdaderamente ta biba den su curason, pasobra e enemigo kier pa e mucha tin mal conducta y asina portanan lo ta sera pe, y scuridad lo yena su curason.


Nos ta bibando den tempo trabahoso, nos tur mester di Dios, pero nos mester pone extra atencion na nos hubentud, y lo laga nan pa nan cuenta, pasobra nan ta wordo danja pa hopi cos material, digital, artificial

Pasobra por ehempel antes bo por a prohibi un mucha di wak cierto programma, pelicula of serie den cas, pero awor aki den e tempo cu nos ta biba, e hoben por wak tur cos riba su telefon, sea malo of bon, y tin malbadonan ta traha programma especialmente pa trigger muchanan den mal caminda, pa nan rechasa e palabra di Dios.

Na tur esnan cu a ricibi'E, na nan e a duna drechi pa bira yuinan di Dios, esnan cu ta kere den Su nomber. (Juan 1:12).

Nos hubentud mester ta bon na altura di locual tin para scirbi den Juan 3:36: Esun cu kere den eYiu tin bida eterno, ma esun cu no obedece e Yiu, lo no mira bida, ma e furia di Dios ta

La Palabra de Dios ilumina nuestras vidas



¡ Lee todos los días la Biblia !

keda riba dje.

Nos mester bisa nan cu no tin condenacion pa esnan cu ta den Cristo Hesus, (Romanonan 8:1-4) pasobra ta para scirbi den Juan 3:16-17, esun cu kere lo ta salba, pero no esun cu no kere ta condena caba pasobra e no a kere den E Yiu unigenito di Dios.

E responsabilidad cu nos tin cu nos hubentud ta

mucho mas grandi cu nos ta kere, pasobra nan ta e futuro di mayan, y nan mester ta prepara, pasobra e palabra di Dios, ta bisa cu nos lucha no ta contra carni y sanger, pero contra e gobernantenan, contra e podernan, contra e forsanan mundial di e scuridad aki. (Efesionan 6:12).

Laga nos Adopta nos hubentud den oracion.

UN BITTER DI MAS...

POR STROBA BO DI YEGA CAS.



E
DECISION TA
DEN BO MAN



5 TIPS

PA DOÑONAN DI MASCOTA DURANTE MAL TEMPO

1 Tira un "family safety plan" pa bo familia pa prepara y inclui bo mascotan den dje. Kose nencia bo lo haci uso di dje pero "better be safe than sorry". Dile e secuencia di e sesionnan pa un "worst case scenario" y pousa pa por shecua e plan ald na cualquier momento teniendo cuenta cu tur cos cu bo haci lo mester ta facil y accesible pa por uza pa 24 oran, pa:

- Awa, cuminda, algo pa pone awa y cuminda den dje
- Cualquier remedi cu e mascota ta a standard riba dje incluyendo su tratamiento contra carpa, pulga y bartuoni (check fecha di expiration)
- Un pet-carrier
- Un kaitabak cu su valling
- Saco di plastia pa pone nan coschi aden
- Extra leash
- Un bag hunga
- Buki di vacuna
- Skiera un petnet di bo mascota

2 Pousa pa bo mascota tin un cantidad pa acorda pa awa

3 Pousa pa bo mascota tin un caminda cu e por sinte sigur si e hayu stree di tempo cu stree

4 Pousa pa bo mascota cu vacunanan ta up to date pa nan ta bon protaha contra malesanan infeccioso cu por sangi especialmente ora awa yega hopi

5 Pousa pa bo mascota tin un microchip. Elendel un banchi cu su datonan por yega pero un caso e mascota perde e banchi aki, por trata e info bel via e microchip, central cu bo info ta up to date



f **Stima Mi Mascota**

